

中國方志叢書·華中地方·第七八三號

據

清·白潢等修，查慎行等纂
清康熙五十九年刊本

影印

江 西 省

西 江 志

(四)

成文出版社有限公司印行

西江志卷第七十一

人物六

瑞州府

晉

黃輔字萬碩建城人事親以孝聞州郡舉孝廉穆帝時仕至御史清直有節操以晉政不綱權臣擅命遂棄官隱遁焉子仁覽入仙釋豫章書

按漢之建城縣即今高安縣在晉代只合稱建城黃輔林志不載

唐

應知頊建城人隋末蕭銑林士弘亂豫章知頊於華林山屯兵置柵保障一方武德五年李大亮宣撫江南知頊歸之

表置靖州命為刺史功德及民民愛之如父母同上

按靖州即今瑞州府志云城西六十里有應使君宅而

氏族大全謂應知頊者九江人徙居靖州生為刺史歿為城隍神云人物志既載入高安又訛入南昌今削彼

而存此

鄧文瑞瑞陽人四世同居五百餘口長幼嫺睦衣無常主開

元中詔旌其閭氏族大全

李思玄字文成高安人好學擅文行誼峻潔年十六舉進士

為文林郎時滕王元嬰鎮豫章請為師友豫章古今記

鄧璠高安人元和間自江西節度使權知袁州在任興學化

民有古循吏風詔令再任僖宗時所在兵起吏無能名獨

璠有政聲林志

宋練高安人為長沙掾四世同居以孝行聞咸通中觀察使裴休上其行義詔旌門賜束帛豫章書

廖洪筠州人父母亡捧土為墳結草廬居有青蛇白獸來止廬側咸通中表其門同上

按唐書孝友總傳以廖洪為萬載人此外尚有鄱陽張讚樂平謝惟勤沈普姜崕上饒鮑嘉福虞銘真弋陽張球李營暨子凝孫楚貴溪黃舟建昌熊士瞻臨江裘鳴

贛州謝俊皆事親居喪著有至行弋陽李植亦數世同居者皆旌門賜粟帛但無事蹟可考故附志姓名於此

鍾傳高安人以負販自業時王仙芝猖狂眾推傳為長乃依山為壁至萬人自稱鎮撫使仙芝黨柳彥璋掠撫州不能守傳入據之詔即拜刺史中和二年逐江西觀察使高茂

卿遂有洪州撫民危全諷聞傳去竊州以叛僖宗賜傳爵

潁川郡王率兵圍撫州天火其城士民謹驚諸將請急攻之傳曰乘人之險不可乃祝曰全諷罪無害民者火即止

全諷聞謝罪聽命時州縣廢貢舉傳歲薦士行鄉飲酒禮率官屬臨觀資以裘齋故士不遠千里走傳府傳少射獵

醉歸夜遇虎與搏會人至斬虎然後免及既貴悔之乃畫圖以示子孫戒之曰處事尚智謀勿效吾搏虎陷危也子

匡時嗣唐書

按元和郡縣志江西八州高安縣初隸洪州寰宇記南唐保大十年置筠州高安屬焉即今瑞州也瑞既別為

郡鍾傳係高安人自應入瑞州舊志或訛為萬載人兩

郡重出今據史傳

幸南容高安人貞元中進士試第權衡賦與柳子厚同年子

厚有送歸聯句序曰比詞聯韻奇藻逸發爛若編貝燦若

貫珠雖枚生長卿無以尚之屢遷國子祭酒德行孚於鄉

孫軾有祖風咸通七年中三史科

豫章書

任濤高安人性慧超羣詩名早著時常侍李鷺觀察江西聞

其詩有露溥沙鶴起人臥釣船流之句特免其役鄉民有

援例訟之者臨大書判云江西界內如有詩似濤者並與

免役無敢應者咸通中登進士

林志

蔡劒字純鈞新昌人以平黃巢功爲左散騎常侍江南西道

節度副使子郊字貺夫爲行營判官高駢忌之付以羸兵

歿於王事

同上

歐陽持字化基高安人天復進士爲太學博士昭宗遷洛持

知朱全忠有異志遁歸西山楊行密奏除爲左拾遺未幾

三

察行密心不在唐乃歸田不起

人物志

南唐

沈彬洪州高安人唐末浪跡湖湘隱雲陽山好神仙善賦詩

烈祖輔吳表授祕書郎與元宗遊俄懇還以吏部郎致仕

元宗遷南都彬年八十餘來見厚賜粟帛以其子爲祕書

省正字先歲彬常策杖郊原手植一樹識之語其子曰吾

當藏骨於此及卒伐樹掘地至丈餘得一石椁製作精麗

光潔可鑒蓋上有篆云開成二年壽榇舉棺就之廣袤中

度

陸游南唐書

按沈彬一人也稽神錄以爲吳興人一統志載彬墓在

京口丹陽縣豫章書則以爲宜春人江西新舊志袁州

宋

瑞州重複互載今據南唐書定爲高安人

易延慶字餘慶筠州上高人父贊仕南唐至雄州刺史延慶

以父蔭爲奉禮郎顯德四年周師克淮南贊歸朝授道州

刺史延慶亦授大名府兵曹叅軍後爲大理評事知臨淮

縣乾德末贊卒葬臨淮延慶居喪摧毀廬於墓側手植松

柏數百本旦出守墓夕歸侍母紫芝生於墓之西北數年

又生玉芝十八草本州將表其事延慶懇辭或畫其芝來

京師朝士多爲詩賦稱其孝感服闋以母老稱疾不就官

母卒後囊殯數年延慶出爲大理寺丞嘗司建安市征及

母葬有期私歸營葬掩壙而返知軍扈繼昇言其擅去職

坐免官復廬墓側數年母平生嗜栗延慶樹二栗樹墓側

二樹連理

宋史

蘇簡朱台符爲贊美之後知端州卒子綸大

中祥符元年進士及第

宋史

按易延慶林志載在後五代今據史傳改入宋

鄒渠字勇夫新昌人因世亂與蔡劒同起義兵討賊有功授

節度使後仕南唐宋乾德中隨李後主來歸授銀青光祿

大夫仍畀節鎮卒贈尚書右僕射少傅英國公

林志

蔡用之字宗野新昌人天禧進士嘗獻萬言書真宗稱爲天

下奇才出其文以示諸學士曰此江南夫子也促赴闕詔

下而卒

林志

劉渙字凝之筠州人舉進士爲潁上令以剛直不屈於上棄

官歸家廬山之陽時年且五十歐陽修與渙同年進士也

高其節作廬山高詩以美之居山三十餘年環堵蕭然饒

粥以為食而游心塵垢之外無戚戚之意以壽終

東都事略

按朱文公守南康為疑之作壯節亭記謂其高懷勁節可以激懦律貪立祠祀之

劉恕字道原筠州人父渙恕少穎悟俊拔年四歲坐客有言孔子無兄弟者恕應聲曰以其兄之子妻之一坐驚異年十八試經義說書皆第一釋褐為鉅鹿簿遷和川令司馬光修資治通鑑奏請同編修恕於魏晉以後事尤能精詳考證前史差謬光悉委而取決焉王安石與恕有舊欲引修三司條例恕以不習金穀為辭因言天子方屬公以政事宜恢張堯舜之道以佐明主不應以財利為先安石不能用遂與之絕方安石用事呼吸成禍福高論之士始異而終附之口順而心非之者皆是也恕奮厲不顧直指其事或面刺安石至變色公議其得失無所隱以親老告歸南康乞監酒稅以就養居母喪未除而卒年四十七著十國紀年四十二卷資治通鑑外紀十卷

同上

五

劉義仲字壯輿恕之子也幼敏慧博洽嘗摘歐陽修五代史誤作糾繆司馬光以其父有修通鑑功乞陰其子補郊社齋郎清介有父風歷鉅野德安簿政和間以蔡京薦召為宣教郎編修官至京師絕不造謁一人昌言曰吾但知天子有命不知有薦我者竟棄官歸廬山自號漫浪翁或通刺但書江南劉義仲又數年卒朝廷聞其太初曆甚精密詔就其家索之

人物志

按志以劉恕父子為星子人今從史傳

陳世昌高安人該貫羣書雨中博學宏詞科調復州錄事參

軍致仕自號大田農著有漢韻一千六百字及老農集

志

吳太元字一翁高安人景祐進士以大理評事為開封戶曹以司馬光薦陞鄆州掌書記富弼器之後守潯州入為尚書都官員外郎改漕湖北

同上

蔡曾字子飛新昌人淹貫經史入太學劉丞相沆請為子弟師一日語云欲以郊祀恩例免子曾不答明日來袞歸闕南園築亭樹植花木自稱東郭居士黃山谷有記

同上

按蔡曾山谷之姑夫字子飛詳見南園記中林志字飛卿者訛今改正

劉平伯高安人漢建城侯之裔高蹈好文名士推之二蘇兄弟過訪並有賡詠子瞻寫墨竹以贈今猶珍藏其家

人物

卷七十一 人物

六

按劉平伯名姓不見於兩蘇公集姑存之

阮薦字仲元新昌人少敏慧嘗以所為文謁邑宰劉滂滂一見大奇之後入太學中舍會日者謂薦曰君宜隱居薦即幡然南歸以詩酒自娛無復仕進意乾道中漕使芮燿辟為本州學正堅辭不就

同上

按阮薦林志作薦未詳孰是

李師愈字好古高安人博學多聞負笈從劉子澄講學於匡廬山中乾道間領鄉薦漕使芮燿舉師愈應制科未及赴而卒

林志

鄒致字至之新昌人博洽強敏授諸子各一經時號鄒五經事母孝母卒廬墓有五色芝產於旁子及登進士

同上

按鄒致人物志以爲元人據科目考鄒及乃高宗建炎二年進士南宋初距元尚百四十餘年及致子也子爲宋進士父爲元人可乎今從林志

雷孚字保信新昌人政和進士以通直郎宰上高宜春俱有惠政倅虔州齊述倡亂緣坐三千人郡將欲盡殺之孚力爭得釋秉性純厚好德尚義居家清白官至朝散郎以子孝友貴贈太子太師同上

龔端字德莊新昌人元符進士立朝未嘗隨世俯仰靖康間極論時事之失徽廟將禪位遣端馳驛陝右密諭督軍赴國難明年謁淵聖皇帝除將作監時金人犯順以端爲河東路奉使參議官未幾京畿戒嚴端憂患成疾請老不允及聞兩宮北狩憤惋而卒人物志

劉愿字恭叔新昌人博學負重名宣和進士歷鼎水二州倅廉介有爲時盜賊徧天下惟愿所至盜弭民安趙鼎張浚交薦於朝除守沅州命下而卒林志

雷孝友字季仲孚子乾道己丑以詞賦魁南省任南劍教授再調國學錄光宗即位除國子祭酒既而擢給事中進御史中丞除知樞密院兼參知政事高安縣開國公不諧於時屢乞骸骨以觀文殿學士知福州卒贈太師諡文簡同上

蔡誼字伯恭新昌人力學不仕築義方書院有志於學者俱廩給之里有爭不愬於官而決於誼有王烈之風號無爲居士同上

趙像之字明則高安人紹興進士授臨川司戶較藝廬陵得

周益公楊誠齋爲門生仕至軍器少監像之爲詩文平淡簡遠雖持節秉旄而家猶貧焉同上

丘泰字仲義高安人淳熙間父山疾泰封股以進尋愈轉運使趙彥操聞於朝孝宗御筆書付史館後更名高同上

按林志陳友直高安人親歿廬墓三年稱孝子張茂馮忠孝皆上高人嘉熙間父母病篤皆封股以進又有封股救父者李德勝聶汝清黃顯吳應發盧十一仇大任晏十二等救母者王文旺吳仲三雷大年劉信伯戈廷秀等類記備考

蔡崇字慶新昌人乾道進士初調湘潭簿雪旁邑冤獄却餽贖憲臺薦其廉明調巴州教授改安化令庭無留訟尋倅金州爲人靜愬清介平居飲酒賦詩當官辦治整暇與

上官論事有不可必力爭之人物志

按蔡崇林志作宗未詳孰是

趙不黯字稷臣高安人宋太宗六世孫舉進士歷官至二千石後退居錦水孝宗以近臣薦擢拜爲大宗正任至開府儀同三司寶慶二年入祀樂善書院林志

唐允功字汝賢高安人資穎好學於經史百家無不通貫時人號爲書廚丞相趙鼎嘗大書潛心居士四字贈之所著有飴經倦錄同上

按允功人物志作允恭考府縣志與林志同今從之

幸元龍字震甫高安人慶元進士初尉京邑時万俟卨之孫與岳飛家爭田歲久不能決府委元龍裁斷積案如山元龍並不閱視即擬云岳武穆一代忠臣万俟卨助桡逆賊

雖籍其家不足以謝天下尚敢與岳氏爭田乎田歸於岳

卷昇於火時論題之改知當陽縣擢通判郢州忤史彌遠

劾令致仕紹定辛卯秋京師災彌遠私第獨存元龍自家

上封事云天火曰災人火曰火陛下即位以來虛已以聽

宰相若火出於天臣知宰相獲罪於天若火出於人臣知

宰相獲罪於人且言彌遠負寧考付託竊陛下威福使天

下知有丞相不知有天子願陛下戮其首以謝天下籍其

家以賜天下然後斷臣之首以謝彌遠則災自弭矣明年

卒子溥中嘉定進士廉介有父風知鬱林人物志

按豫章書以幸元龍爲嘉泰間進士鄂州通判與此不

同所著有桂巖松垣二集

幸當時高安人元龍弟授光化軍司戶襄帥趙范檄往唐州

收買軍需未幾武守郭勝叛當時不從被殺事聞朝廷嘉

愍贈京秩官其一子林志

陳仲微字致廣高安人嘉泰進士調莆田尉臺閭委以縣事

時歲凶部卒并饑民作亂仲微立召首亂者戮之一境以

肅遷海鹽丞鄰邑有疑獄郡命仲微按之一問立決改知

崇陽縣通判黃州遷知贛州江西提典刑獄忤賈似道罷

久之起太府寺丞時國勢危甚仲微上封事其略曰悞襄

者老將也失襄之罪君相當分受其責天子若曰罪在朕

躬大臣宜言咎在臣等宣布十年養安之往繆深懲六年

玩寇之昨非救過未形固已無及追悔既往尚愈於迷轉

敗爲成在君相一念間耳出爲江東提點刑獄德祐元年

遷秘書監益王即位海上拜吏部尚書給事中厓山兵敗

走安南卒年七十有二宋史

按陳仲微所著有文溪集六十五卷

阮寅字公亮新昌人嘉泰進士初調龍陽尉以薦改知房州

轉朝請大夫鼎澧辰沅靖沿邊都大巡檢使馬步軍都總

管節制湖北軍馬知澧州所至能保障撫循一方戴德焉

子恕字伯寬以蔭宰分寧改善化林志

羅之紀字國張高安人自幼穎悟超羣嘉定時奏入等授孝

感縣尉攝邑雲夢持身廉謹遇事精審上官少不爲禮因

雪壓竹賦詩云吾道非邪真可恥此君豈是折腰人遂飄

然棄官歸自號筠心居士同上

按羅之紀所著有易傳及文集

胡仲雲字從甫高安人年十三悉通書史入太學率諸生伏

講書論罷京尹余晦蔡適爲祭酒仲雲與弟仲霖師之

盡得朱氏之學寶祐登進士監行在倉時丁大全用事欲

鉤致以館職不就以江萬里薦除太學正因忤賈似道出

傳臨江既而家居起爲國子監簿攝吏部左侍郎遷樞密

院編修官攝尚書右司黜爲浙東提刑兼權紹興安撫既

至減月椿錢三之二復追還買燈錢五萬吏贓三萬六千

分諸貧民越有僧殺人賈黨匿之仲雲嚴限實於法會母

憂去歲餘聞九江失守辟地南海攜家泝流至廬陵而卒

同上

按胡仲雲所著有六經蠹測周易見一四書管窺歷代

遺論宋朝政論及文集三十卷

朱駒筠陽人理宗朝中神童料號荷山先生有文集傳於世

子資深以文學為搢紳推重補西澗山長孫逢原遠於易
領鄉薦為湖廣校官事父以孝聞 朱一齋集

劉應龍字漢臣高安人嘉熙進士知崇仁縣淮西失守江西
諸州有殘破者縣佐貳聞變先遁應龍固守不去遷司農
少卿尋去國景定三年湖南饑起提舉常平以救荒功遷
知隆興府兼江西轉運副使奏免和糴二十萬石擢權戶
部侍郎時賈似道當國應龍言臣觀邇日以來靖恭自守
者以論事為忌指陳稍切者輒聯翩引去恐正臣奪氣鯁
臣結舌宜非盛世所有遂忤當路以集英殿修撰知建寧
府久之起為江東轉運使辭南海寇作朝廷患之移廣東
經略安撫使寇聞應龍至遁南海大治特旨屢召拜戶部
侍郎上奏辭免德祐元年遷知贛州兼江西兵馬鈐轄青

陳元亮字季德仲微從子博學尚氣節補太學升國錄時賈

宋史

似道私人洪燾尹臨安倚勢作威元亮率諸生數百人伏
闕上書歷數其姦上為點燾元亮遂為賈所忌戊辰當對
集英殿太學名士多倖取上第元亮獨恥之有司復希賈
旨置之丙科授慶元府教授再遷御前軍所幹辦官 林志

姚勉字成一新昌人寶祐中狀元授平江節度判官丁父憂
服闋除正字時太學生有因論丁大全而被逐者勉上言
斥逐學宮之士以禁天下之言此蔡京秦檜所為今日豈
宜有此遂歸及吳潛入相召為校書郎輪對言朝廷綱領
惟在用人聽言又及守帥數易之弊後上過東宮勉講否
卦因指斥權姦無所顧避忤賈似道遂諷孫附鳳劾勉為

吳潛黨免歸有雪坡集 同上

劉元高字仲山應龍子長身山立每與姚勉胡仲雲論天下
事輒慷慨激烈時號高安三俊元高淳祐進士初授迪功
郎柳縣簿斷事如破竹當道爭致之幕下以薦除知寧都
縣改候官縣多豪貴一繩以法復以薦為御史卒所著有
漢史意鈔書史續鈔貴華錄三劉家集山居橐 人物志

雷作字大起新昌人為均州錄叅時捕訊者獲茶商十餘人
悞為真盜作理出之太守尹機叅督府謀議選守邊舉府
事屬焉方薦其才作慨然求歸遂致仕 林志

蔡志學字及之新昌人淳祐進士初調興國簿憲使李迪愛
其才檄入僉幕按法訊擬民稱不冤秩滿調武昌節度掌
書記再調太和令獨立不撓剖決如流尋倅清江未幾知

高師尹字堯咨一字元衡新昌人嘗詣闕獻書陳古今理亂

人物志

得失之故及足國裕民養才取士選將練兵制勝之策不
報初授長沙司戶叅軍再授江陵府察推居官廉潔無私
自號戒得翁竟以直忤上司棄官歸 林志

黃夢炎字如晦新昌人景定進士初調贛縣尉再調饒州軍
判官侍御史曾淵子奏舉文華科江東憲使趙與棖奏辟
提幹夢炎少與姚勉胡仲雲劉元高齊名號錦江四俊嘗
相與詣書庫借其籍一覽輒焚之乃具紙默疏纖悉無遺
後終於家 人物志

羅天酉字恭甫新昌人師事饒雙峰開慶進士以格非心去
非人對策忤丁大全擯外歷官知懷集縣不期年而治成

丁父憂作詩有三釜爲親今莫及萬鍾於我復何加之句
遂不起所著有柘岡文集

林志

蔡汝揆字君審用之七世孫師饒雙峰得道學之傳門人號

愚泉先生所著有希賢錄貫道集友議等書

同上

鄒禮字用和高安人才識明敏當路辟爲掾史年三十四歸

隱以養親教子爲樂張公疇薦諸集賢賜稱德逸處士

同上

胡希是仲霖子幼通經史十五遊京師一時名公折行輩與

之交常謁江古心得其作文之法下筆有西漢風宋亡隨

父隱邇所著有洪範考訂大學稽疑太極圖說史論及於

山集

同上

熊襄字贊國新昌人以蔭初授無爲簿再調湘潭司法以正

廉脣上官拂衣歸以郊祀恩授迪功郎監潭州糧料院秩

滿家居結義兵以保鄉井劇盜不敢近乙亥邑人姚文龍

自九江引兵先闖鄉郡而遣其弟諭降裏殺之次年兵至

衆潰見執文龍詰之裏曰去年我殺卿家今年殺我丈夫

何恨之有遂死

人物志

李長庚字子西新昌人初任清江尉再調湘潭丞元兵至同

寅皆遁獨長庚攜諸司印居守被執不屈死之士友葬於

學地并爲文表其阡

林志

元

劉秉忠字仲晦初名侃拜官後始更今名其先瑞州人仕遼

爲官族秉忠生而風骨秀異年十七爲邢臺節度使府令

史居常鬱鬱不樂一日投筆歎曰吾家累世衣冠乃汨沒

爲刀筆吏乎即棄去隱武安山中後遊雲中留居南堂寺

世祖在潛邸海雲禪師被召過雲中邀與俱行既入見應

對稱旨秉忠遂於易及邵氏經世書至於天文地理律曆

三式六壬遁甲之屬無不精通論天下事如指諸掌世祖

大愛之遂留藩邸上書數千言皆嘉納焉又言邢州舊萬

餘戶兵興以來不滿數百彫壞日甚得良牧守如真定張

耕者治之猶可完復朝廷即以耕爲邢州安撫使由是流

民復業升邢爲順德府世祖即位問以治天下之大經秉

忠采古制之宜於今者條列以聞於是下詔建元紀歲立

中書省宣撫司朝廷舊臣山林遺逸之士咸見錄用秉忠

雖居左右而猶不改舊服翰林學士承旨王鶚奏言秉忠

久侍藩邸忠勤勞績宜崇以顯秩帝覽奏即日拜光祿大

人物志

夫位太保參預中書省事秉忠既受命以天下爲已任凡

有關於國家大體者知無不言言無不聽如頒章服舉朝

儀給俸祿定官制皆自秉忠發之爲一代成憲卒年五十

九贈太傅封趙國公謚文貞成宗時贈太師謚文正仁宗

時又進封常山王其詩蕭散閑淡類其爲人有文集十卷

元史

按劉秉忠志書俱不載元時瑞州人物見於史傳者無

多秉忠兄弟雖隸籍邢州本瑞州人也故采錄焉

劉秉恕字長卿好讀書年弱冠受易於劉肅遂明理學兄秉

忠事世祖以薦士自任嫌於私親獨不及秉恕左右以聞

召見遂同侍潛邸世祖嘗賜秉忠白金千兩辭曰臣山野

鄙人僥倖遭際服器悉出尚方金無所用世祖曰卿獨無

親故遺之邪辭不允乃受而散之以二百兩與秉恕秉恕曰兄勤勞有年宜蒙茲賞秉恕無功可冒恩乎終不受中統元年擢禮部侍郎邢州安撫副使遷吏部侍郎三年升邢州為順德府賜金虎符為順德安撫使轉官法行歷彰德懷孟淄萊順天太原五路總管淄萊府有死囚六人獄已具秉恕疑之詳讞得其實六人賴以不死他所至皆有惠政召除禮部尚書出為淮西宣慰使歷湖州平陽兩路總管年六十卒於官 元史

李明德瑞州路上高縣人讀書有志操孝行篤至亂兵陷袁州因抄掠上高執其父欲殺之明德泣告曰子豈不能代父乎願勿害吾父也兵遂殺明德而免其父 元史

陶復亨字仁叔新昌人性超達善古文詞咸淳間試補國學

初充興國教授文行相稱有梅花百詠行於世 人物志

按陶復亨人物志載入宋今改定

吳楚字方叔高安人性狷介博洽經史至元間授四會縣尹後更上杭建寧浦城所至輒以廉能稱鋤強植弱救荒禦寇活人至數萬閩人號曰吳廉訪 林志

姚雲字聖瑞高安人宋咸淳進士初調高郵尉後除龍興察推再除工刑部架閣以宋故官授承直郎撫建兩路儒學提舉秩滿家居尤工詞調風韻不減秦淮海有江村遺藁行於世 人物志

塗謙字伯益高安人至元間以功授本府判官累遷懷遠大將軍謙雖貴為連帥而雅澹冲約益勵操行投老家居自號雲溪道人黃冠野褐日容與山水間子濟亨字吉甫克

紹家學筮仕寧州判官知永新州所至以廉能稱 同上漆希范字文翁高安人仕本縣文學陞靜江路教授湖廣省聞其賢辟為掾廉謹修飭陞臨江路知事清望益著識與不識皆稱為平溪先生 林志

吳起孫字誠甫高安人九世同居素無恒產資醫術以供食至大中本省以聞至今稱為義門 同上

涂源字原叟高安人早失父事母幸氏盡孝延祐三年除知黎州以母老不肯赴母強之出至州聞訃徒跣奔歸既葬廬墓三年 同上

熊師說高安人讀書好義家裕於貲歲歉輒周貧乏鄉里稱為義翁後至元間撫州進賢飢告糴於其家發粟八千石賑之不受直其子志文克紹其志 府志

潘字子元高安人博洽書傳精練吏事至元間辟為掾史活人甚多壯年即投筆杜門惟以養親為樂趙子昂為書

紫源二字贈詩有紫源賢功曹四十已投筆之句 同上伍良臣字雲從高安人駙馬都尉興甫之子致力經籍為詩文暢達清潤遊京師不諧於俗後辟為臨江經歷八十日即棄去 人物志

按伍良臣所著有中流一壺集毛忠吾新昌人至正壬辰紅巾賊陷新昌張子忠李子鉞克復州治越五日州復陷子忠罵賊而死忠吾保逍遙山招郭克敬合兵援州治復之甲午歐祥復陷上高忠吾退守古陽寨七年間大小百餘戰皆捷鄉境賴以保全 豫章書

明

胡璉字商用高安人父死括蒼兵興道梗璉艱險萬狀負骨歸葬人以孝稱之大明兵至江西天完將劉敬欲退守新昌璉說曰今真主已出不降何待瑞且不可守况新昌乎宜亟為一郡生靈計劉素聞璉名忻然從之璉為奉書詣軍門降一府十萬戶賴以安全洪武初應通經舉為本府學訓導陞句容教諭引疾歸杜門觴詠所著有易學會通及子史百餘卷

豫章書

羅君友筠陽人洪武初應辟舉赴京師任本府學教授而歸讀書講學於清溪之上以維持綱常為己任

朱一齋集

按羅君友林志不載人物志作均友今據朱一齋所撰清溪書院序改正

李仲德上高人洪武中以賢才應辟任龍江提舉攝河南道

本志

事

事清儉執法陞大理評事改刑部主事捐俸餘以濟公用同僚高志明等忌之以事誣仲德廷爭不屈觸上怒被誅既而察其誣特旨賜祀

人物志

鄒用字惟信新昌人讀書好義元末大亂與毛忠吾等糾義兵保鄉曲屢破賊將陶九於郡境撫流亡宜豐賴之復說天完袁州守將歐祥附迎高皇於隆興洪武四年命從宜春侯黃彬收集鄉寨頭目論功授雄武衛管軍百戶子寧智勇有父風洪武二十三年征進都勻明年又從征平州牙州龍海等處俱有功已又征威清八番紀績通敘授昭信校尉命襲偏橋百戶

同上

冷曦字景暘新昌人洪武中為御史剛正不阿劾去都御史劉觀及壞法御史六員百官震恐

林志

劉謐字成式高安人聰慧儻屬文朱學士善見而器之為作藜耀軒記洪武間貢授吏科給事中彈劾無所避忌竟以此忤權貴謫戍甘肅

同上

按朱一齋前後二集無藜耀軒記

徐振字伯起高安人繇舉人歷晉江教諭長沙教授生徒遇有貧而勤者輒捐俸資給之所成就多一時名士以祭酒蔡清為最

同上

孟充字實夫高安人博洽書史為文有理致繇舉人授敘州府學訓導陞福安知縣朝夕吟詠所著有山樓集

府志

朱益字易章高安人永樂鄉舉己丑中乙榜例授學職率同榜者十二人上言道未明未可以教悞人也乞卒業辟雍為祭酒胡儼所重乙未登進士授刑部主事命於沛縣董

本志

本

運木植事集而民不勞以尚書吳中薦陞郎中卒於官檢所餘俸僅給棺衾而已

人物志

潛溟字彥鵬高安人美丰采兩目如懸珠永樂進士授監察御史文皇選使北平面命十數事既出追還詰問對無遺上器之後果稱旨受知益深事之難決者輒曰付虎眼御史謂溟也方將大用而扼於忌者出為廣東按察副使後又以事左遷運判終知杭州府

同上

按潛溟所著有青雲集嘗從梁本之學扁其居為筠陽讀書處其兄用之有序

楊潤字伯玉高安人永樂進士授南御史有坐法餽金求庇者潤執其人寘諸理仁廟獎以為能陞山東僉事剿巨盜劉雄黃虎陞四川參議平敘南鼻重慶大旱發官庫賑濟

全活者數萬歷官三十年囊橐蕭然居家惟務讀書考古卒年九十一卒後數日鄰居火子資祝曰若先君無愧願全歸之俄而火反樞得免府志

况文字應奎上高人永樂進士擢御史巡按至湖州嘗夜夢一人被髮從老翁來且泣且訴詰且有巨蛇伏於廳事乃召官吏詢之意必有冤者既而廉得歸安民嘗毒殺人方匿屍山澗中捕訊盡伏辜人咸稱為神明正統己巳都御史以扈從北行推掌都察院事出為廣東叅政人物志

王綱字存紀上高人永樂進士下第與蕭時中等具奏考試不公文皇復親策副榜舉人綱與時中等十八人皆賜冠帶令祭酒司業親教之後科果登上第巡按福建廣西河南正統間官至山西右布政使歷任四朝始終翼翼歸休

歐家罕接官府同上

况琛字宗魯高安人永樂進士聞母喪奔歸哀痛幾毀服闋赴京道經九江聞弟喪遂乞歸養除永平教授不欲赴解學士縉有詩贈行勉強之任然拙於逢時尋歸杜門多著述府志

朱廣明字則誠高安人穎悟工詩文縣舉人歷山陽增城諭寧海學正所至從遊甚眾求文者無虛日人物志

按朱一齋集有贈筠陽朱誠則序稱郡文學朱溟疑即其人俟再考

易觀字仲載高安人永樂進士以言忤權貴謫武定州同知尋改判杭州時仁和賊大肆剽掠觀用計入其營擒巨魁賊遂平陞高州知府林志

陳鑑字貞明高安人宣德進士授行人擢御史出按順天言京師風俗澆漓其故有五一事佛過甚二營喪破家三服食麗靡四優倡為蠹五博塞成風章下禮部格不行改按貴州麓川思機發自大軍再征窮竄屢上書哀訴乞宥罪通貢王振不許復大舉遠征時雲貴軍民疲敝苗乘機煽動舉朝皆知其不可懲劉球禍無爭者鑑抗章言賊首速遁不為邊惠宜專責雲南守臣相機剿滅無遠勞禁旅振大怒欲困之改鑑雲南叅議使赴騰衝招賊怒未已撫鑑為巡按時嘗請四川播州安撫司改隸貴州以為鑑罪令兵部劾之逮下吏論死繫獄景帝嗣位乃得赦尋授河南叅議致仕歸卒明史彙

按陳鑑所著有易菴集

况琛字鼎元上高人縣舉人歷萊陽漢川歸安諭光祿寺署正制行純潔文章典雅雅周旋禮度俱可為法閒居三十年以讀書自娛卒祀鄉賢明一統志

鄔瑞字汝瑞新昌人宣德中以邑掾任溧陽縣丞吏胥不得為奸秩滿所部數千人詣闕保留陞本縣知縣行事愈勵於前在官十五年卒人物志

周廣榮字仲仁新昌舉人任崇慶州知州廉介有為豪強屏跡改邳州蘄州愛民節用民心懷之陞都督府經歷屢言時政得失推薦林俊王相終雷州知府府志

賈信字順夫高安人初為臬掾財不苟受事不避難正統間辦事南京司刑名者多待以脫橐尚書趙翊器重之薦授本部主事陞工部郎中廉州知府同上

況真字彥珍高安人縣歲貢歷工部刑部主事福建僉事正統己巳鄧茂七黨寇汀州偕指揮馬雄討之有功明年因星誤降大使天順間復官僉事致仕府志

毛倫字時敘新昌人初授南太常博士歷陞兵部職方郎中服官二十餘年廉慎敏決尚書魏驥嘉之上疏薦陞本部

侍郎致政歸

人物志

敖鉞高安人宰宿松二載兩奏水患去任三年復疏荒糧補

潛江南經十月歲旱題請蠲賑民賴其惠所去見思爲御史再劾近侍巡按貴州致仕府志

袁彬字文質新昌人正統末以錦衣校尉扈車駕北征及帝

蒙塵從官悉奔散獨彬隨侍不離左右周旋患難未嘗違忤夜則與帝同寢天寒甚恒以脅溫帝足也先將獻妹於

帝彬請駕旋而時帝竟辭之居漠北期年猶骨肉也及帝

還京景帝帝僅授彬錦衣試百戶天順復辟擢指揮僉事尋

進同知帝眷彬甚奏請無不從賜予優渥時召入曲宴敘

患難時事歡洽如故時進指揮使遂掌衛事以平曹欽功

獨不爲屈達誣以罪請逮治帝欲法行語之曰任汝往治

但以活袁彬還我達遂鍛鍊成獄賴漆工楊墳訟冤獄得

解然猶調南京錦衣衛帶俸閒住英宗崩達得罪貶官都勻召彬復原職仍掌衛事未幾達徵下獄充軍南丹彬餓之於郊餽以贐成化初進都指揮使先是掌錦衣者率張權勢罔財賄彬任職久行事安靜十三年擢都僉事莅前軍都督府卒於官明史

朱漢字景雲高安人成化進士授太常博士太常寺官多出

身道流漢上疏極論之陞南道御史劾罷尚書倪謙侍郎

錢漣歷陞河南僉事陝西副使兵備漢中風裁凜然奸貪

縮首盜賊屏跡民至今懷之歲時報祀人物志

熊傑字貴顯高安人成化中以太學生通判保寧府嘗按蒙

惡母文信獄竭誠感奇夢論死者四十三人上司減其半

羈傳食以配徒一夕火發盡死蜀人神之松茂運梗設法

隄備餉足而民便居官廉明簡易尤能禮士夫善僚友著

有守齋集同上

王相字樂用新昌人成化進士授御史未幾以親老歸養林

居二十餘年與羅一峰張東白莊定山爲友一峰往來尤

密弘治間薦復起爲御史陞廣東僉事壽終於家林志

陳政字以正新昌人成化進士歷吏部郎中左右通政工部

左侍郎督營茂陵修蘆溝橋京通二倉疊奉勅書優勞弘

治間河決張秋運道梗兼僉都御史總理之卒於官府志

黃山字允高高安人成化進士授行人屢奉使不以毫髮自

汙弘治間擢御史何文鼎以忠諫得罪山上疏力爭巡按

浙江渝宿弊懲奸貪雖親故無所假借陞廣東僉事林志

吳堂字廷器上高人成化間由監生任泉州推官性喜淡薄

節嗜欲嚴取與嘗自勵曰居官不清白何顏親士夫後解組歸行李蕭然林下二十年士論高之同上

黃景字文昭上高人成化進士歷禮部郎中奏對稱旨陞通

政尋遷禮部左侍郎弘治初以時議不合致仕正德間坐事謫戍燉煌尋宥歸卒景嘗奉詔保定河間賑荒計慮周

悉活人甚衆又嘗勸憲宗以養心之學及建議裁抑西僧之爲民害者持論侃侃綽有足觀云同上

游輝字公憲高安人成化貢生任龍泉知縣地多刁訟輝恩

威兼濟民皆感德去任日哭聲載路居鄉孝友慈愛閭里

宗黨無間言有不平事咸請質人比之王彥方云府志

陳祥字應和高安人弘治進士初授上虞知縣以內艱歸復

補華亭時劉瑾專恣趨附者衆及瑾敗上搜餽籍無祥名

行取山東道御史巡按四川淡素如寒士時有御史素以

賄聞而依憑城社祥發其私詔免秩及報命以論堂官忤

當路出知惠州楠江巨寇作亂命王守仁往征之祥減其

二巢績奏加正三品服俸歷官右副都御史人物志

劉允中字叔彝高安人成化進士讀中祕書改工科給事歷

禮科都給事多所建明憲廟倚眷目爲劉長子始允中入

朝墜馬創巨乃奉旨總理西寧糧儲力疾驅馳冒寒暑不

避疾轉劇乞骸骨歸父子好行其德一切俸入盡輦分族

之貧者有逋課輒代之輸或偶忿爭必曲爲解勸以故劉

氏凜凜德讓爲閭里所稱同上

蔡時字純中新昌人正德進士初知麻城縣晉大理評事武

宗有詔南巡時偕舒芬余廷瓚等危言極諫請斬賊臣江

彬以保聖躬上大怒下錦衣衛械繫獄中罰跪午門外七

日至五日京師陰霾晝晦宮城內海子水溢橋下鐵樹七

齊折於是有旨將時同林大輅等於午門前加杖五十調

南京都察院照磨世宗登極召還大理擢浙江僉事提督

兩浙及蘇松等處屯田水利事豪右數侵太湖悉奪而歸

之水利始通尋以病歸家居數年杜門著述嘉靖己亥安南不庭上追念忠鯁才略俾副毛伯溫往征之命下卒同上

朱實昌字士光高安人郎中益之孫正德進士授旌德令改

海鹽應召擢山東道御史上遊獵建儲除奸佞等疏議大

禮忤時相廷杖改南道歸養都御史屠蒲奏起補北道歷

按蘇松三吳大飢奏緩歲賦三十八萬有奇俟歲稔帶徵

後復奏請蠲之以直言觸當事降淮安知府居官廉靜士

民悅服有臥鎮淮陽去思遺碑未幾致仕卒同上

陳益字啓行高安人以六經教授弟子學者稱行素先生所

著有敝帚集

按陳益人物志府縣志皆不載今采鄒易所撰行素先

生傳補入

劉志方字端夫高安人由舉人授僊居知縣時歲饑民有路

攘富室之粟者守悉置之死志方曰愚民無知苟延旦夕

耳非越人於貨者比守悟活者數十人又有僞獲盜布者

志方詰之皆曰婦織之耳命各取織篋來驗之則盜果僞

事獲釋其爲政慈祥慎密類如此陞和州同知致仕所至

輒有去思府志

陳拯字方周高安人由舉人署奉化訓導勤學善教人才多

所成就陞卽州判官清而有惠嚴而不苛家居十年化成

鄉黨焉同上

簡方字德馨上高人弘治進士任南刑部主事陞兵部郎中

性耿介執法明允權勢無所假借卒於官林志

朱繼祖字孝思高安人成化進士授兵部主事守山海關轉武庫郎中出為廣西知府會竹子山盜發督兵剿之逾月奏捷改知楚雄在任二年以直忤時貴告休同上

聶珙字周贊上高人正德進士授刑部主事歷官福建僉事會倭寇興泉躬冒矢石民賴保安擢山東兵備副使致政歸府志

吳雲高安人為府掾正德己卯李藩李貴集叛黨助宸濠謀逆雲從別駕胡某於石鼓潭擒之濠敗王文成紀績奏聞有旨赴京聽選雲以母老乞終養恩賜冠帶養親同上

劉公泰高安人性孝友好施予成化庚子歲饑發私粟六百石以賑正德間年百歲副使李夢陽檄府為立坊林志

傳興高安人性至孝父疾感夢百里外徒跣求醫得撫州絕

嶺古井水調藥而愈祖母曹氏孀居為華林賊所掠欲殺之與渡水以救賊用巨鏡壓之鏡忽斷賊驚異釋之事聞詔冠帶表其門明一統志

謝麟字秀瑞高安人太學生積學能文屢試不售正德壬申華林賊肆虐劫其家麟負母踰垣以避賊追尋益迫家人速之走麟曰母在顧棄之去乎既而賊執其母麟奮力奪之母得免麟為賊所殺府志

吳山字曰靜高安人嘉靖十四年進士及第授編修累官禮部侍郎入西苑供奉青詞改吏部尋代王用賓為禮部尚書加太子太保山與嚴嵩鄉里嵩子世蕃介大學士李本欲與為婚姻山不可帝欲用山內閣嵩密阻之大學士靳貴妻早寡及老有司奏請旌表山不可徐階為之言山正

色曰相公慮閣老夫人再醮耶階默而罷裕景二邸並建國本未定帝忽諭禮部具景王之藩儀嵩知帝激於郭希顏疏欲規人心諷山留王山曰中外望此久矣立具儀以奏王竟之藩四十年二月朔日當食微陰曆官言日食不見即同不食帝以為天眷喜甚嵩趣部急上賀侍郎袁煒亦為言山仰首曰日方虧將誰欺耶仍救護如常儀帝大怒禮科給事中李東華等震懼劾山請與同罪帝乃責山賣直沽名傳東華俸嵩言罪在部臣帝乃責東華等命姑識山罪吏部梁夢龍等見帝怒甚又惡專劾山乃并吏部尚書吳鵬劾之詔鵬致仕山冠帶閒住時皆惜山而深快鵬之去穆宗即位召為南京禮部尚書堅辭不赴卒贈少保諡文端明史

子立字以中高安人天性孝友年十五失怙母吳氏病失明不離左右者十餘年吳卒廬墓側仲弟季弟天卒撫其孤為已子尤博洽經史聚徒至百餘人一時搢紳多出其門嘗受學於鄒東廓與鄧元錫傳明應論道後園書社交相砥礪憫筠俗棄女作育女文以勸之感而舉女者不可勝紀憂邑賦偏重仗義與吳會廖寶等極力條陳得改南折筠人德之人物志

傅明應字國卿高安人嘉靖戊午鄉試第二人時年十五父繼孟客滇南母歐陽氏寢疾不起日夜侍側憂形於色母強之學湯藥餘閒不廢誦習尤潛心理學師事鄒東廓羅念菴二先生時奉旨廉天下孝行江西四人明應居其一將徵用尋因父喪冒暑卒同上

藍璧字完卿高安人嘉靖進士改庶吉士遷戶科給事中改禮科時上意修元璧以忤旨廷杖出為湖廣叅政歷四川按察使山東廣東布政使俱有治績在蜀蘇淹獄在粵清番稅人尤稱之同上

熊相字尚弼高安人歷官御史有能名居鄉尤為月旦所重凡百公事有利地方者力任不辭前知府鄭璠修郡志皆相所裁定士類至今稱其人同上

鄒璉新昌人嘉靖進士授工部主事歷任承天知府湖廣副使雲南左布政應天府尹所至清聲茂著陞巡撫浙江副都御史楚中科臣有忌之者調南京歸里杜門不出同上

廖暹字曰佳高安人中嘉靖鄉試任武康令調詔安政務寬平尋罷歸嘗從鄒東廓講學構西郊書院為筠士發明良

朱子一十八物

朱

知之旨郡邑名士若况叔棋輩皆出暹門子性之字道夫嘉靖辛酉經魁弱冠隨父從東廓先生學篤信謹守初授陽信教諭轉松陽縣令陞路南知州致仕歸同上

况叔棋字吉夫高安人弱冠登進士授刑部主事曹署清暇益肆力學問與東吳王元美南昌余德甫遊從以聲詩相

唱和歷禮部郎中貴州提學副使貴州僻處蠻方士多弗力於學叔棋至日為諸生講說經義士知嚮方攝司篆平

山寇叔棋負才名伉直不諧於俗遂棄官歸卜築藥湖之傍興至買棹下章江訪德甫諸名士徘徊龍沙南浦間弔

古賦詩所著有大雅堂集林志

按是時王李之學方盛行海內稱詩家惟所進退元美又好為評黨有後五子廣五子續五子末五子之目尋

又廣為四十子於南昌取兩人焉以余德甫冠後五子之首朱用晦則在續五子之列顧獨不及况吉夫大雅堂集世亦罕有傳者

范伋高安人嘉靖進士歷官叅政致仕歸杜門掃軌一切不與世事惟以孝友敦睦訓子姓俸餘盡給親族不留以遺子孫卒年八十四人物志

吳學詩字伯興上高人嘉靖進士改庶吉士累官山西副使少穎敏篤學好古經史過目成誦歷仕三朝所在令聞昭著事母最孝時上高大旱學詩作祈雨文柳冠縞衣步率士民禱於城隍三日甘霖如注僉以為誠敬所感同上

敖銑高安人嘉靖進士改庶吉士歷官國子祭酒贈禮部右侍郎性醇雅生平無疾言遽色應事接物婉而曲中然我

朱子一十八物

朱

所當任確不可回從歐陽文莊公講理學潛心力踐人爭賢之少保吳文端為之傳同上

况澄字仲源高安人曾祖琛永樂進士官永平教授有廉名澄能述其家學為諸生從學王文成公嘉靖辛卯特詔拔

異才澄膺選第二初知壽張縣調考城築堤興水利以耿介忤上左遷建寧教授陞鳳陽通判歸而屏迹公庭事關

地方利病者則獨持議侃侃郡邑咸利賴焉府志劉暉字子儀高安人年十九中嘉靖乙酉鄉試授臨城令廉

介自持遷通州守諸武弁貴戚占田宅者幾半民籍錦衣陸炳家奴數百以徵租為名漁獵州縣莫敢誰何暉褫其

衣冠驅出境炳深銜之使人伺其陰事卒無可乘三年以憂去後補茶陵知州惟一僕自隨尋卒於官人物志

漆登字汝高高安人少孤事母孝嘉靖舉人授貴州永寧知

州陞馬湖府同知因其俗陋加意造士捐俸資給之麻陽

寇亂協剿告捷以薦兩與蜀黔考試告養親歸

府志

傅孟春高安人嘉靖進士授常州府推官累官刑部侍郎先

是督北畿學政時尚操切孟春獨以寬著值有毀書院之

議捐數百金贖之事定還為書院署刑部事雪鄖撫李材

之冤獲從末減生平和易若於世油油然而中實涇渭分

明有大臣之度

人物志

漆文昌新昌人嘉靖舉人授沅江知縣調繁應城陞廣西柳

州府同知補雲南永昌府會撤回募征緬兵八千衆兵引

例索路費無厭官不能給遂鼓譟永昌城外城門閉者七

日文昌單騎出城諭以順逆歷程十八日軍民無犯所過

志

人物

志

漆元中字維嵩新昌人嘉靖舉人初令湘鄉有主粟使者臨

邑凌轢長吏漕卒橫索鄉賦人人色沮元中獨抗顏力諍

以此致忤改浙江海鹽教諭當路重其賢委署崇德桐鄉

志

人物

漆元中字維嵩新昌人嘉靖舉人初令湘鄉有主粟使者臨

邑凌轢長吏漕卒橫索鄉賦人人色沮元中獨抗顏力諍

以此致忤改浙江海鹽教諭當路重其賢委署崇德桐鄉

兩篆並著聲無何拂衣歸

同上

陳汝錡字伯容高安人早為諸生問學淹博尤矩矱自持以

貢授建陽訓導在官一年而卒為諸生時遊白下值海剛

峰總憲南臺汝錡直稱布衣上書規以止足之義海感其

言即日杜門乞休所著有周史總長短書一名甘露園集

同上

按陳汝錡事詳見劉願人所撰真吾先生傳中

馮貴吉字含章新昌人幼孤事兄貴善如父初苦貧稍拮据

生業尋奮然志學以古人自期不由師傳而經史百家靡

不淹博為諸生大有聲弟子問業者多成就為時用所著

有雲峰集多格言

同上

黃鑑字文叔上高人隆慶庚午亞魁任西和知縣清操不染

生平恬澹無求惟以詩文娛志接人溫恭有禮言論不激

不隨年九十卒有娛閒詩集

同上

蔡文範新昌人隆慶進士初任刑曹疏忤江陵相星變考察

左遷閩鹽官擢兵部郎陞湖廣提學參粵藩所著有縉雲

齋棠甘露堂集

同上

志

人物

志

王京字來觀上高人隆慶進士授同安知縣諳練經略海倭

不敢南犯尤加意造士倅衡陽擢守徽郡下車以禮讓默

化士民允服竟以絕交權貴致政歸田

同上

潘仕紳字以書上高人隆慶恩選初授五湖知縣招撫流移

剖劉大海等冤獄衆稱神明擢羅定知州猺獠悍戾其

渠魁餘孽斂跡讞反側疑獄二囚編氓安堵陞廣州同知

葬溺屍修戰艦皆政績之可紀者

府志

范儒字國士高安人萬曆進士授義烏知縣徵授御史時上

久不視朝儒陳時政十事言甚剴切先是慈寧宮災給事

中鄒元標疏六事忤上意而儒疏適入上恚曰向未罪元

標致儒復爾當重懲之申時行等擬鐫秩帝猶怒將各予

杖是夜大雷雨明日朝天門外水三尺餘上怒稍解乃斥

爲民明年給事中張維新請推用譴謫諸臣詔許量移惟
僞不敘自是屢薦不起里居數十年卒

明史彙

按鄒范同時出國門曾健齋亦以言被譴長安有西江

三鳳之稱焉

范世美字敬之高安人萬曆進士授揚州府推官會僞錢恣

行商賈罷市饑民以米戶閉糴執竿叫呼聚黨數千人世

美適行縣聞之躬詣亂所開諭禍福羣黨立解陞南京兵

部郎中出守潤州潤故有織造諸羨銀又有公莊諸稅歲

萬金舊皆太守公費世美悉以備賑陞山東兵備副使辛

卯總計天下循吏奏清苦第一

人物志

朱崇遂號竹亭高安人年二十棄舉子業篤志理學萬曆戊

子瑞郡飢疫崇遂破產賑恤鄉里免流亡者二千餘家撫

朱崇遂

朱崇遂

按將疏於朝力辭早歲艱嗣鄉人共禱祈曰朱某生平善

行而終絕嗣乎未幾連舉兩子朝綬朝縉皆擅才名多隱

德曾孫軾康熙癸酉江西解元甲戌進士歷官清介現任

浙江巡撫人皆謂積善之報

朱氏家傳

朱吾弼字諧卿高安人萬曆進士授寧國推官徵授南京御

史奏請建國本簡閣臣補言官罷礦稅不報山西巡撫魏

允貞爲稅使孫朝所訐吾弼乞治朝欺罔罪廣東稅使李

鳳乾沒奸人王遇桂請稅江南田契吾弼皆疏論其罪雷

震皇陵吾弼請帝廷見大臣講求祖宗典制與天下更始

尋復言陛下孝敬疎於郊廟惕厲弛於朝講土木盛於宮

苑榛蕪徧於殿庭羣小橫於中外正士困於園閭閭以

礦稅竭郵傳以輸輓疲流亡以水旱增郡縣以徵求困草

澤生心衣冠喪氣公卿不能補牘臺諫無從引裾不可不

深察而改圖也未言禮部侍郎郭正域疾惡嚴居已峻不

可以楚事棄請詳勘且言王既非假何憚於勘遂爲首輔

沈一貫所惡移疾去居三年起南京光祿少卿召爲大理

右丞齊楚浙三黨用事吾弼遂辭疾歸熹宗立召還累遷

南京太僕卿天啓五年爲御史吳裕中劾罷

明史彙

陳邦瞻字德遠高安人萬曆進士授南京大理寺評事歷南

京吏部郎中出爲浙江叅政進福建按察使遷右布政使

改補河南分理彰德諸府開水田千頃建淦陽書院集諸

生講習以右副都御史巡撫陝西上林土官黃德勛弟德

隆及子祚叛德勛投田州土酋岑茂仁茂仁納之襲破

上林殺德勛掠妻子金帛守臣問狀詭言德勛病亡乞以

朱崇遂

朱崇遂

祚請繼邦瞻請討於朝會光宗嗣位即擢邦瞻兵部右侍

郎總督兩廣軍務遂移師討擒之海寇林莘老嘯聚萬餘

人侵掠海濱邦瞻扼之不得逞舉夷築室青州奸民與通

時侵內地邦瞻燔其巢召拜工部右侍郎未上改兵部進

左天啓二年五月疏陳四事中言客氏既出復入乃陛下

過舉輔臣不封還內降引義固爭致罪謫言者再蹈拒諫

之失其何解於人言疏入忤旨譴讓尋兼戶工二部侍郎

專理軍需明年卒官詔贈尚書邦瞻好學敦風節服官三

十年吏議不及

同上

按邦瞻所著有皇王大紀宋元紀事荷華山房摘彙

陳邦科字雋卿高安人萬曆進士初知江都縣擢南御史首

陳十事次請建儲又申救彭遵古顧允成諸壽賢三進士